

## Xlimactutu xcarta tu tzokli San Juan

### *XATAPAJMUJUN TACHIHUIN:*

Yumaq c-xcarta San Juan na limapacuhuicán “kolutzín”, chu huá tzokniy chatum canajlani huanti huanicán Gayo; litakalchihuinán xtalipuhuán caj xpalacata nitlán xtapuhuán chatum litum huanti huanicán Diótrefes. Yumaq Diótrefes xlakaya xtascújut xlimasíyut xtachihuín Dios, huampi masqui chuná, xlá ni pala tzinú xmasiyunikoy xtapáxquit c-xlacatincan amakapitzín chuná lantla xlimasíyut chatum xcanajlani Cristo. Huampi huata lipaxuhuay xlatamat tanuj litum chixcu huanti huanicán Demetrio sampí luhua tlan lantla lichihuínankoy huanti lipahuankoy Dios.

### *Juan lipaxuhu xakatlilacán Gayo*

<sup>1</sup> Quit yamaq kolutzin Juan huanti Dios quila-sacnit nacliscuja; luhua cana lipaxuhu ctzoknimán yumaq quincarta huix talipahu quiamigo huanti luhua xlicana cpaxquiyán.

<sup>2</sup> Koxutá huix quintala Gayo, quit csquiniy litlán Dios pi xtachuná lantla kalhiya lipaxuhu latamat c-milistacna, pus na chuná cakalhi tlan latamat c-mintiyatlihua, chu nitu catzankanin, xahuá nitu cachipán tajátat. <sup>3</sup> Quit luhua cpaxuhualh acxni quilakochi makapitzín natalanin sampí xlacán quilitakalchihuinankolh pi huix chunatiyá lantla akstítum lipahuana Quimpuchinacán, chu

lilápat xtalulóktat. <sup>4</sup> Quit tancs ccāhuaniyán pi  
atzinú ckalhiy tlanca tapaxuhuán acxní ccatziy  
pi huantí climacançkoy quilakskatán akstítum  
lilamakó c-xlatamatcán xtaluloktat Dios.

<sup>5</sup> Quintala Gayo, quit cpaxuhuay caj huantú  
mimpalacata sāmpí luhua quihuanikonít  
lantla akstítum liscujpákó, chū maktayakoya  
xlipacs huantí lipahuankoy Cristo, xalihuacá  
maktayakoya yama huantí alacatanú xalanín  
huantí lakminkoyán. <sup>6</sup> Xlacán minkoy  
unú c-quincachiquincán acxní macxtum  
cuilahu, maklhuuatá lichihuinankoy lantla  
lakalhamankoya, chū paxquikoya. Huampí<sup>7</sup>  
cumu chū makapitzín lenimakochán quincarta  
quit cuaniyán pi lipaxuhu calimaktayakó  
huantú namaclacasquinkoy c-tiji laquimpi  
nitú natzankanikoy chuná lantla lakatiy Dios  
nalāmaktayayahu. <sup>7</sup> Cumu xlacán aya tzucunitá  
litalakchokokoy laquimpi naliakchihuinankoy  
huantú Jesucristo quincalimapaksinitán, pus  
canihuá masqui mákat quichamakó, chū ni  
lacasquinkoy namaktayakoy yamá huantí  
ni lipahuankoy Dios. <sup>8</sup> Pus huá xpalacata  
ccalihuaniyán pi quin luhua quincamininiyán  
namaktayalenkoyahu canicahuá antaní xlacán  
naankoy liakchihuinankoy xtachihuín, chū  
xtaluloktat Dios.

### *Luhua xlicana nitlán xtalacapastacni Diótrefes*

<sup>9</sup> Quit ctítzokli mactum quincarta  
huantú ctimälakachanikolh yamá huantí  
lakataquilhpütakoy Dios, chū macxtum lilakoy  
c-mincachiquincán, huampí huata Diótrefes ni

matlánih huantu quin xaclimapaksimakohu, huá chuná lítláhuah sámpí xlá ná luhua xapuxcu litaxtuputún, chu ni lacasquín atanu nahuaniy huantu xlítláhuat. <sup>10</sup> Huá xpápacata lacatancs ccalihuaniyán pí acxní quit nacanachá, naclihuaniy, chu nacakastacyahuay sámpí catuhuá quilhuantlahuán huantu ni xlicana quincalíaksaninatláhuán. Chu ni caj xmán huá huantu huan, cax tlahuay, hasta ni pala tzinú makamaklhtinamputunkoy yama natálanín huantí mákat minkoyachá, chu makapitzín huantí makamaklhtinamputunkoy c-xchiccán, xlá líhuanikoy pí niálh camakamaklhtinankohl, hasta tlakaxtukoy huantí kalhakaxmatmakankoy huantu xlá huan. Huá xpápacata climaluloká pí lixcájnit xtalacapastacni.

### *Luhua tlan xtalacapastacni Demetrio*

<sup>11</sup> Talá, huá xpápacata quit clíhuaniyán, huix ni chuná catlahuá huantu lixcájnit, huata caj xmán calíscujtí huantu tlan. Sámpí xlipacs huantí tlahuay huantu lacuan tatlahu, pus tamá huá tapaksiniy Dios, huampí huantí huatiyá tlahuama huantu nítlán, chu huantu lixcájnit, xlicana pí tamá chixcú ni alakapasa Dios ni pala akataksnít xtalacapastacni.

<sup>12</sup> Huampí ni chuná licatziy Demetrio, sámpí xlipacs huantí lipahuankoy Dios, pacs chuná huankoy, chu ni lay tí naliaksán tu nítlán sámpí xlicana xlá pí kalhiy tlan xtalacapastacni, chu akstítum lama. Ná chuná quin lipaxuhu clichihuiñanahu huantu xlá tlahuama lacuan

tatlahu, chu huixín catziyátit pi xlipacs huantu cquilhuamahu huá xtalulóktat.

*Juan huaniy hasta chalí*

<sup>13</sup> Lhuhuq tu ctihuániputunán, huampi ní luhua chuná cpuhuán caj nactzoknaniyán,  
<sup>14</sup> sampi cpuhuán pi ní pala makas quilhtamacú naclakanachán laquimpi man lacatzaj nactachihuinanán.

<sup>15</sup> Quit clacasquín pi Dios camaxquín huantu lipaxuhu, chu aktziyaj latámat. Xlipacs miamigos luhua cana lipaxuhu xakatlilacamakochán. Luhua catlahuapi tlanca litlán, xlipacs lantla chatunu quiamigojcán lipaxuhu camacatiyakopi huantu quimpalacata.

**Hua xasasti talaccaxlan quinTlatican  
Jesucristo  
New Testament in Totonac, Highland (MX:tos:Totonac,  
Highland)**

copyright © 2009 Wycliffe Bible Translators, Inc.

Language: Totonac, Highland

Translation by: Wycliffe Bible Translators, Inc.

Totonac, Highland

tos

Mexico

**Copyright Information**

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Totonac, Highland

**© 2009, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.  
Pictures included with Scriptures and other documents on this site are  
licensed just for use with those Scriptures and documents. For other uses,  
please contact the respective copyright owners.

2014-04-30

---

PDF generated using Haiola and XeLaTeX on 11 Nov 2022 from source files  
dated 29 Jan 2022  
df936465-4138-5f59-b29c-cb397c2f3526